

"DIE BLINKKLIPPIE"

WEEKLIKSE NUUSBRIEF VAN GEREFORMEERDE KERK POSTMASBURG

(Jaargang 20 - nr. 10.)



"Die Woord het mens geword en onder ons kom woon. Ons het sy heerlijkheid gesien, die heerlijkheid wat Hy as die enigste Seun van die Vader het, vol genade en waarheid."

Johannes 1:14

15 Maart 2020

HARTLIK WELKOM!

Dit is waarlik 'n voorreg om weer vanoggend as gemeente saam die Here te kan dien.

EREDIENS VANOGGEND: Oudl. Albertus Viljoen

Voorsang:

Ps. 134 (2) : 1, 2

Ontmoetingsdiens:

Votum en seën afbid

Sing: Ps. 138 (1): 1, 2

Belydenis van geloof (Nicea)

Verootmoediging- en versoeningsdiens:

Wet (Eksodus 20)

Sing: Ps.38 (1): 1, 17

Gebed

Woorddiens:

Sing: Ps. 43 (1): 1, 5

Skriflesing: Jakobus 1:1-8; Jakobus 4:1-5;

Jakobus 5:13-18

Teks: Jakobus 4:2(b), 5, 16

Kategismus: Sondag 45: V/A 116 en 117

Preektema:

Dien ander met jou gebede

want God verhoor jou

Antwoorddiens:

Gebed

Liefdesdiens kollekte: In die banke- DVB

By die deure- GKSA Sustentatie

Sing: Ps. 81 (1): 1, 7, 12

Wegstuurseën

Seënbede: Sb. 15-1: 4

Preekskets:

Sondag 45

V/A 116: Waarom is die gebed vir die Christene nodig?

Antwoord: Omdat dit die vernaamste deel van die dankbaarheid is wat God van ons eis: En omdat God sy genade en Heilige Gees alleen aan hulle wil gee wat Hom met hartlike versugtinge sonder ophou daarom bid en daarvoor dank.

V/A 117: Hoe moet 'n gebed wees wat God behaag en deur Hom verhoor word?

Antwoord: Ten eerste moet ons alleen die enige ware God wat Hom in sy Woord geopenbaar het, van harte aanroep vir alles waarvoor Hy ons beveel het om te bid. Ten tweede moet ons ons nood en ellende reg en grondig ken sodat ons ons voor sy majesteit kan verootmoedig. Ten derde het ons hierdie vaste grond dat Hy ons gebed, hoewel ons dit nie verdien nie, tog ter wille van die Here Christus sekerlik wil verhoor soos Hy dit vir ons in sy Woord belooft het.

KOLLEKTES

Vandag: 15 Maart 2020

In die banke: **Diens van barmhartigheid**

By die deure: **GKSA Sustentasië**

Sondag: 22 Maart 2020

- In die banke: **Diens van barmhartigheid**

By die deure: **Emeritaatsversorging**

WYK - DIENSBEURT

Vandag –15 Maart 2020 - **Wyk 9**

- **Ouderling:** Br. Ferreira Meyer
- **Diaken:** Br. Barend Snyman
- **Wyksusters:** Sr. Cecile de Kock

Volgende week – 22 Maart 2020 - **Wyk 1**

- **Ouderling:** Br. Leendert Snyman
- **Diaken:** Br. Wikus Snyman
- **Wyksusters:** Sr. Miemie Snyman

MEELEWING

- Sr Carien Coetzee wat in die week groot terugslae met haar gesondheid gehad het en inderhaas in Bloemfontein geopereer moes word. Ons vertrou die operasie was 'n sukses en sy spoedig weer haarself mag wees en gou mag herstel.
- Sr Engela Viljoen het die week in Upington knie-operasie moes ondergaan. Ons is dankbaar dit het alles goed verloop. Mag sy ook gou weer reg wees.
- Ons bid vir sr Nelize Boshoff wat ook die week geopereer is na haar kanker-diagnose. Daar lê vir haar nog 'n chemo-pad voor. Ons gebed is dat die Here haar elke tree op die pad sal dra.
- Ons is dankbaar sr Cecile de Kock se operasie in Upington het goed verloop. Sy sterk tans in Bloemfontein aan. Mag sy met dankbaarheid op hierdie operasie kan terugkyk.
- Sr Fransie Venter wat swaar las van haar rug en ook nierpyp-infeksie opgedoen het, is in ons gebede. Sy gaan DV op 31 Maart 2020 na Bloemfontein om neuro-chirurg te raadpleeg.
- Ons dink aan sr Annelie Williams wat weer behandeling vir haar rug sou ontvang. Mag dit vir haar ook tot verligting en groot seën wees.
- Ons bid vir br Louis Calitz wat in sy kosterwerk 'n voetbesering opgedoen het. Mag hy ook gou weer herstel.
- Gelukwense aan br en sr Jacques en Sorica Thirion wat gister in die huwelik bevestig is. Mag die Here die saambring wat Hy nou saamgevoeg het ryklik seën en hulle gelukkig getroud mag wees.

VERJAARSDAE

Vandag 15 Maart sr. Maureen Niesing

Woensdag 18 Maart sr. Kotie Riley

Donderdag 19 Maart jngbr. Luan Niesing

Mag u 'n geseënde nuwe lewensjaar ingaan met die volle oortuiging dat ons tye is in die Here se hande.

GROENWATER-NUUS

Ons bedieningshulp in Groenwater het in die laaste maande weer kon hervat. Daar bly uitdagings maar ons vertrou in dit wat reeds hanteer is en aangespreek kon word, daar wel daarop voortgebou kan word.

ALGEMENE KERKNUUS

GKSA NUUSBROKKIES

Gaan laai gerus nuusbrokkies van ons webwerf af. Die jongste beroepenuus en vele meer is daarop beskikbaar soos weekliks aan ons deurgestuur. U kan dit van ons webwerf aflaai by: <http://bit.ly/2SxThy0>

DANKOFFERS

U kan die Bybelse beginsels en dit wat 'n prinsipiële uiteensetting van die opdrag tot 'n dankbaarheidslewe en dit wat ons dankoffers moet wees, van ons webwerf aflaai. U kan dit aflaai by <http://bit.ly/2D0uRqf>

Laat ons asseblief met die nodige erns wat ons voor die Here hiermee moet werk dan wel hieraan aandag gee. Al is ons in bitter swaar tye met ekonomiese werklikhede so negatief as kan kom moet ons dankbaarheid voor die Here altyd eerste staan.

KATEGESE

Al die werk en ons roosters is op ons webwerf onder katekisasie gelaai. U kan dit aflaai by

<http://bit.ly/2KhypYe>

Katekisasie gaan soos afgespreek voort:

Laerskool-klasse vind Sondae na die ere-diens by die kerk plaas.

Vandag geen Hoërskool katekese nie.

Belydenisklas vind Maandae om 17h00 plaas.

Ons volwasse katekese klasse vind Maandae om 18h00 plaas. Reëlings met die katekisante sal steeds deur WhatsApp via ons kerkgroep deurgegee word.

KERKKANTOOR

Kalenders is beskikbaar.

DORKAS- SUSTERS

Huis Jan Vorster-mandjie – Toiletware vir ons inwoners in HJV kan in die groen mandjie voor in die portaal geplaas word. Hulle ondervind die laaste tyd veral 'n tekort aan **doeke, Prep en aqueous room**. Die inwoners het ook hulle hartlike dank uitgespreek vir dit wat alreeds geskenk is.

BYBELSTUDIE

Bybelstudie gaan die week normaal voort ...

Bybelstudie Maandag: 19h00 Aandgroep

Bybelstudie Dinsdag: 10h00 Oggendgroep

Ons gaan voort met die reeks rondom die gebede uit God se Woord.

DOPPER KOMBUIS

Kom kuier gesellig saam in ons tee-drink lokaal na die ere-diens.

GEMEENTEKAMP

Merk die datum: 3 tot 5 April 2020

ALMANAK 2020

Die Almanakke wat reeds afgehaal is kan by die kantoor betaal word. Ons het ekstra kopieë uit Potchefstroom ontvang. U kan Kerkkantoor daarvoor skakel en ook u betalings maak.

KALENDER (JAARBEPLANNING) IN ELEKTRONIESE FORMAAT

As u graag u dagboek in elektroniese formaat op u selfoon wil plaas kan u op ons webwerf die toepassing en beplanning aflaai wat dit deur *Microsoft Outlook* vir u moontlik maak. Die inligting is gestoor op die Tuisblad onder die lêertjie pmg_calendar.ics

GLOmedia TV

Die GKSA en die NHK het saam ons eie TV-platform geskep om goeie Christelike programme op professionele TV standaard te vervaardig. Hoewel die vervaardiging eers vanjaar begin het, is baie ure en baie soorte programme vir jonk en oud reeds beskikbaar. Programme word weekliks bygevoeg.

Ondersteun die inisiatief deur na www.glomedia.tv te gaan en aan te sluit.

Jy kan ook armer gesinne borg of voorstelle maak deur 'n epos te stuur na navrae@glomedia.tv

PRETORIA FM OPNAMES (MAAK MY U WEË BEKEND)

Uitsendings word op Sondae om 17h00 uitgesaai. Luisteraars kan in Postmasburg en in die grense van ons gemeente inskakel op TV oudiokanaal 887. U kan ook deur die internet luister by <http://www.pretoriafm.co.za> Daar is ook webgrepe (potgooie) van die program op Pretoria FM se webwerf. U kan daarna gaan by <http://bit.ly/2NuDyOX>

HUISBESOEK DEUR DIE PREDIKANT

In Maart wil die predikant graag op wyk 7 konsentreer met huisbesoeke. Hy sal u kontak om afspraak vas te maak. As enigiemand uit van die ander wyke wel behoefte het dat hy vroeër by u moet uitkom, moet asseblief nie aarsel om hom te kontak nie.

ETIESE SAKE

Daar is 'n nuwe afdeling op ons webwerf bygevoeg met die bedoeling dat ons as gelowiges toegerus mag word om oor hierdie sake weer grondig na te dink en om onself daarvoor te verantwoord. Dit sluit in ou sake maar wat nuut oor gedink moet word. Onder andere ons beskouing oor ons huwelikslewe en gesinslewe. Dit gaan ook oor saamwoon vóór die huwelik.... U kan daarna gaan by <http://bit.ly/2Q0Ccw1>

KERKRAADSAKE

VERGADERINGS:

Volgende kerkraadsvergadering vind DV 20 Mei 2020 om 18h00 plaas.

KERKLIKE GEGEWENS

Gereformeerde Kerk Postmasburg

Posbus 74 Postmasburg

E-pos: admin@gksa-postmasburg.co.za

Tel: 053 313 3710

Landlyn Pastorie: Tel: 053 313 0571

Kerkkantoor ure: Maandae tot Vrydae 09h00 - 13h00

Predikant	Dr. Petrus Venter	084 704 2348	ds@gksa-postmasburg.co.za
Skriba	Oudl. Albertus Viljoen	082 808 4168	skriba@gksa-postmasburg.co.za
Admin Beampste	Sr. Koos Fick	082 821 2736	admin@gksa-postmasburg.co.za
Voorsitter: Diakonie	Diak.Dawie Schoeman	082 782 2537	dawie@xmedia.co.za
Koster	Br. Louis Calitz	083 775 3058	076 147 6772
Orrelis			
Kassiere	Oudl. Lukas Potgieter	079 695 0555	lukaskathu@gmail.com

Ons gemeente se webwerf en facebook-blad is soos volg:

<http://www.gkpostmasburg.weebly.com>

<http://bit.ly/2Ydk7wK>

STATISTIEKE VORIGE SONDAG

Erediens bywoning	
Bydrae: Ekumenisiteit Buiteland	
Bydrae: Diens van Barmhartigheid	

GEREFORMEERDE KERK BANKBESONDERHEDE – ALLE REKENINGE BY ABSA

Rekening	Rekeningnommer
Alle bydraes (Dankoffers)	2130-3400-35
Diakonie	2130-28-0008
Dorkas-susters	407-382-6782
Kermisinbetalings	90-9779-4784
Steak-ete inbetalings	91-4771-8016

Berigte vir Blinkklippie moet asseblief teen **Woensdag 16h00** per e-pos gestuur word na admin@gksa-postmasburg.co.za